

## **PRIJEDLOG**

Na osnovu člana 29. stav 1. tačka 2. Zakona o lokalnoj samoupravi – prečišćeni tekst ("Sl.novine Kantona Sarajevo", broj: 22/00) i člana 55. tačka 2. i člana 104. stav 1. Statuta općine Ilijaš-prečišćeni tekst ("Sl.novine Kantona Sarajevo", broj:20/09), a u vezi sa članom 14. Pravilnika o procedurama i kriterijima za dodjelu priznanja Općine Ilijaš («Službene novine Kantona Sarajevo», broj 4/15) i članom 18. Odluke o priznanjima Općine Ilijaš («Službene novine Kantona Sarajevo», broj 1/15), Općinsko vijeće Ilijaš na svojoj \_\_\_\_ sjednici održanoj dana \_\_\_\_ .02.2015. godine donijelo je,

## **ODLUKU**

### **o dodjeli javnih priznanja Općine Ilijaš za 2014. godinu**

#### **Član 1.**

Ovom Odlukom dodjeljuju se javna priznanja i odlikovanja Općine Ilijaš za 2014. godinu i to:

1. Povelja o proglašenju počasnim građaninom
2. Plaketa i
3. Nagrada – priznanje.

Naprijed pomenuta javna priznanja dodjeljuju se po pravilu za Dan Općine Ilijaš radi odavanja priznanja za postignuća i doprinos od posebnog značaja za razvoj i ugled općine, a naročito za uspjehe u unapređivanju privrede, nauke, kulture, zaštite i unapređivanja okoline, sporta, tehničke kulture, zdravstva i drugih javnih djelatnosti, te za promociju aktivnosti koje su tome usmjerene.

#### **Član 2.**

Plaketa Općine Ilijaš dodjeljuje se Nuhanović Muhidinu i Filipović Damiru.  
Nagrada - priznanje Općine Ilijaš dodjeljuje se Timu "Grontmij".

#### **Član 3.**

Predsjedavajući Općinskog vijeća Ilijaš na svečanoj sjednici povodom Dana Općine Ilijaš uručit će javna priznanja Općine Ilijaš za 2014. godinu.

Izuzetno od odredbi iz prethodnog stava u izbornoj godini javna priznanja može uručiti općinski načelnik na svečanom prijemu povodom Dana Općine Ilijaš.

#### **Član 4.**

Ova Odluka stupa na snagu danom donošenja, a ista će biti objavljena u "Službenim novinama Kantona Sarajevo".

Broj: 01/1-02-\_\_\_\_\_/15.  
Ilijaš, \_\_.02.2015. godine

Predsjedavajući OV-a

---

Damir Filipović, s.r.

## OBRAZLOŽENJE

Pravni osnov za donošenje Odluke o dodjeli javnih priznanja Općine Ilijaš za 2014. godinu sadržan je u članu 29. stav 1. tačka 2. Zakona o lokalnoj samoupravi – prečišćeni tekst ("Sl.novine Kantona Sarajevo", broj: 22/00), članu 55. tačka 2., članu 104. stav 1. Statuta općine Ilijaš-prečišćeni tekst ("Sl.novine Kantona Sarajevo", broj:20/09), a u vezi sa članom 14. Pravilnika o procedurama i kriterijima za dodjelu priznanja Općine Ilijaš («Službene novine Kantona Sarajevo», broj 4/15) i članom 18. Odluke o priznanjima Općine Ilijaš («Službene novine Kantona Sarajevo», broj 1/15).

Razlozi za donošenje ove odluke sadržani su u članu 18. Odluke o priznanjima općine Ilijaš. Istim je utvrđeno da Općinsko vijeće Ilijaš, na temelju izvještaja Komisije, donosi Odluku o dodjeli javnih priznanja Općine Ilijaš.

Kako se 29.-28. februar obilježava kao Dan Općine Ilijaš, Komisija za javna priznanja i obilježavanje historijskih događaja i ličnosti, zaštitu kulturnog i prirodnog naslijeđa provela je potrebnu proceduru i pripremila prijedlog Odluke. Procedura je provedena na osnovu Pravilnika o procedurama i kriterijima za dodjelu priznanja Općine Ilijaš, upućivanjem Javnog poziva za dostavljanje prijedloga kandidata za dodjelu javnih priznanja Općine Ilijaš broj:01/1-02-Sl./15 od 27.01.2015. godine.

U ostavljenom roku pristigli su slijedeći prijedlozi kandidata za dodjelu Javnih priznanja Općine Ilijaš:

1. Jedinствена организација младих "Veto" Ilijaš – predložen Damir Filipović za dodjelu Plakete Općine Ilijaš
2. Udruženje demobilisanih boraca odbrambeno-oslobodilačkog rata 1992-1995 Općine Ilijaš – predložen Muhidin Nuhanović – Nagrada – priznanje Općine Ilijaš
3. Savez za bolju budućnost BiH, Kantonalni odbor Sarajevo, Općinski odbor Ilijaš – predložen Muhidin Nuhanović za Nagradu – priznanje Općine Ilijaš
4. Crveni krst/križ BiH, Crveni križ FBiH, Crveni križ Kantona Sarajevo, Crveni križ Općine Ilijaš – predložen Nezir Hodžić i Muhidin Nuhanović za Plakete Općine Ilijaš
5. Služba za prostorno uređenje i stambeno-komunalne poslove Općine Ilijaš, komunalni inspektor Sadik Alić - predlažen Grontmij tim za implementaciju Općinskog Programa upravljanja otpadom u BiH za Nagradu – priznanje Općine Ilijaš, i to:
  - \* Gunnar Linder, voditelj tima,
  - \* Mikael Boldt, ekspert za upravljanje čvrstim otpadom,
  - \* Đorđe Stefanović, pravni ekspert i
  - \* Silvija Mikulić, koordinator ureda.

Pristigli prijedlozi za sve kandidate čuvaju se u arhivi Komisije, koja se nalazi u Stručnoj službi općinskog vijeća i općinskog načelnika Općine Ilijaš i u iste se može izvršiti javni uvid.

Shodno naprijed navedenom, Komisija predlaže da Općinsko vijeće Ilijaš usvoji predloženu Odluku.

Predsjednik Komisija

---

Meho Gljiva, s.r.